

Na osnovu čl. 16. stav 4. Zakona o Vladi Zeničko-dobojskog kantona ("Službene novine Zeničko-dobojskog kantona"), broj 7/10 – Prečišćeni tekst) i člana 190. stav 1. tačka c) a u vezi sa članom 50. stav 2. Poslovnika Skupštine Zeničko-dobojskog kantona – Novi prečišćen tekst ("Službene novine Zeničko-dobojskog kantona" broj 7/12 i 12/13) Vlada Zeničko-dobojskog kantona (u daljem tekstu: Vlada Kantona), na 171. sjednici, održanoj 03.07.2014. godine, a u okviru rasprave po Informaciji Ministarstva finansija o stanju priliva javnih prihoda u Budžetu Zeničko-dobojskog kantona za 2014. godine, d o n o s i

## ZAKLJUČAK

### I.

Vlada Kantona traži sazivanje sjednice Skupštine Zeničko-dobojskog kantona hitnog karaktera, radi dramatičnog pada priliva javnih prihoda u Budžetu Zeničko-dobojskog kantona i nedostatka sredstava za ispunjavanje Ustavnih i zakonskih nadležnosti Zeničko-dobojskog kantona.

### II.

Vlada Kantona smatra da je jedini mogući način uravnoteženja rashoda nad prihodima pribavljanje vanrednih, dodatnih finansijskih sredstava putem kreditnog zaduženja, u skladu sa važećim zakonskim propisima, čime bi se osiguralo funkcionisanje kantonalnih organa uprave, redovna isplata plaća budžetskim korisnicima i onima koji plaće primaju putem transfera, plaćanje obaveza prema privredi i korisnicima socijalnih primanja, te izvršenje ostalih ustavnih, zakonskih i ugovorenih obaveza.

### III.

Vlada Kantona traži od Skupštine Zeničko-dobojskog kantona zauzimanje stava o:

- dodatnom kreditnom zaduženju, u iznosu od 30.000.000,00 KM (slovima: trideset miliona konvertibilnih maraka),
- davanju ovlaštenja Premijeru Kantona za potpisivanje Ugovora između Investiciono-komercijalne banke DD Zenica i Zeničko-dobojskog kantona o dozvoljenom prekoračenju po transakcijskom računu do 10.000.000,00 KM (slovima: desetmiliona konvertibilnih maraka),

### IV.

Zaključak stupa na snagu danom donošenja.

Broj: 02-\_\_\_\_\_/14.  
Datum, 03.07.2014. godine  
Z e n i c a

**PREMIJER**

*Munib Husejnagić, dipl.ing.maš.*

DOSTAVLJENO:

- 1x Skupština Zeničko-dobojskog kantona,
- 1x Ministarstvo finansija,
- 1x Stručna služba Vlade,
- 1x a/a.

## Obrazloženje

**Pravni osnov** za donošenje rješenja je sadržan u članu 16.stav 4. Zakona o Vladi Zeničko-dobojskog kantona kojim je regulisano da se zaključkom utvrđuju stavovi o pitanjima od značaja za provođenje utvrđene politike i čl.190. stav 1. pod c) Poslovnika Skupštine Zeničko-dobojskog kantona – Novi prečišćen tekst (“Službene novine Zeničko-dobojskog kantona” broj 7/12 i 12/13) kojim je dato ovlaštenje Vladi Kantona, da u okviru svojih Ustavom i zakonom utvrđenih prava i dužnosti, može tražiti sazivanje sjednice Skupštine, radi pretresanja određenog pitanja o kome želi da iznese svoj stav i tražiti od Skupštine da o tom pitanje zauzme stav.

**Razlozi za donošenje** sadržani su u činjenici da je teška finansijska situacija u Budžetu Kantona dodatno usložena elementarnom nepogodom uzrokovanom poplavama i klizištima, nakon čega su prilivi u Budžet Kantona drastično opali, što dovodi u pitanje izvršenje Ustavnih i zakonskih obaveza Kantona. Prema procjenama do kojih se došlo praćenjem dinamike priliva u Budžet Kantona, bez dodatnih finansijskih sredstava koja se trebaju osigurati u kratkom roku, može doći do apsolutnog finansijskog kolapsa, koji isključuje mogućnost isplate plaće budžetskim korisnicima i onima koji plaće primaju putem transfera, plaćanje obaveza prema privredi i korisnicima socijalnih primanja.

Trenutni mjesečni prilivi u Budžet kantona nisu dovoljni ni za samu redovnu plaću i naknade budžetskim korisnicima ni pod pretpostavkom da se u potpunosti obustavi plaćanje svih ostalih ustavnih, zakonskih i ugovorenih obaveza.

Jedini način prevazilaženja ove situacije jeste obezbjeđenje dodatnih finansijskih sredstava putem kredinog zaduženja.

Kako je stanje prirodne nepogode, odnosno nesreće koja je pogodila Zeničko-dobojski kanton, uz već ranije prisutni trend opadanja priliva javnih prihoda (u prvih pet mjeseci tekuće godine su manji 21% u odnosu na Plan Budžeta za 2014. godinu) i privrednih aktivnosti uopće, rezultiralo daljim uvećanjem deficita i gomilanjem obaveza na teret Budžeta Kantona, Vlada smatra da su se stekli uslovi za sazivanje sjednice hitnog karaktera, shodno odredbi člana 50. Stav 2. Poslovnika Skupštine Zeničko-dobojskog kantona – Novi prečišćen tekst (“Službene novine Zeničko-dobojskog kantona” broj 7/12 i 12/13).